

اعتصام

۵ جمادی الاولی ۱۳۳۷ سنه

۶ شباط ۱۳۳۵ سنه

{ منافع عامه به خادم مجموعه اسلامیه در }

احمد شیرانی

مغدور لر حالا مغدور و متعملر حالا متتم!

امین خاکی

ای حیاسنزلر آرتق صوصیکز!

احمد وهی

روضه مطهریه عرض و تقدیم اولنان بر عرض حال

طیار رحمی

[۹۵] ك ذیلی - ظل صائل

...

دیوان حربك نظر دقنه

...

شونات علمیه

فیثانی ♦ ♦ ۱ پاره در

محل اداره : فاتح — اعتصام

۱۳۳۴

[۹۵] ك ذیلی - ظل صائل

- ۲ -

رفت بک برادرمنه :

سليم ثالثك اريكه حليمتي باعث سقوطی اولمشدی . سليم ثالث او دوره ،
 اودهنينه لایق بر صاحب شوكت اوله مزیدی .
 کثیف بر جهل طبقه سنه قارشی صفت آمریخی ، صیانت ، ناموس امتی محافظه
 نه کوجدر ! . سليم ثالث جهل و تصب طبقه لری اوستنه بالطبع سریر حشمتی
 کره ا وضع ایستدی . روخنده دوبدینی قوت و حیادتی ملتک روخنه آشلايه مدی .
 چونکه عصرنده و محیطنده سایمی آکلایه جق هنوز بر موجود یارادلامشدی .
 مصطفای رابع احتیاج عصردن دکل ، اختلاج تعصبدن قوت آلدی . سلیمی دوبردی .
 تختنه کجدی . تاریخ برده بونک عکسنی بزه کوسستمکده وقایعی تمجیل اییدیور .
 عبدالحمید خان مغفور ، امت ، مساعد افکاره صاحب اولدینی حالده استعدادیله متناسب
 بر اداره بخش اجمدی . تام بردور خزان کچیردک . ۱۰ تموز انقلابی ایسه ملت ایچون
 نافع بر عاقبت تأمین ایدمه مشد . انقلابی فکر دکل ، سیف وقوت یاعمشدی . سیف
 (۹۵) قهرمانی اوکننده سر فرویه مجبور قیلدی اما سنه لرجه داخلده تقریر اداره یه
 لیاقت و اهلیت کوستره مدی . اوت منی بر صورتده برشیئه موفق اولدی . قاهر بر
 حکومت تأسیسنه ! . خارجدن غیظ و کین ، داخلدن آه و این طویلابان بو حکومت
 مستبدیه بز ، [ظل صائل] دیه جکز . بو اویله بر کولکه ایدی که هر موجود
 حرکات و سکوننده اونی حس اییدیوردی . مقدساتمز اوزرنده مصاح صفتیله ، ادراک
 و عرفانمز اوستنده حامی طوریه ، مایتمز اوزرنده منجی ، قلوب و وجدانمزده کویا
 خیر خواه بر صادق صورتیه کولکه سنی کزدیردی ، بونلرک هیچ بری حقیقته
 مقترن دکل ایدی . او دأثما و ارغازه صالديران قاره بر کولکه اولمشدر . بزلر
 فلا کندن فلا کته سور و کله نیرکن اونک قوپاریجی ، کریجی دیشلرندن مستهزی خندهلر

صیزیوردی ، اون سنه لك حیات تاریخمیز کیجه لردن تركب ایستی و بزسانكه بر جهاندن بر شبتانه كچمش كبی ایدك . (۹۵) كابوسنه دها مهین ذاتیتله متد بر ذیل منحوس خلف اولدی . [۹ تموز سنه ۳۲۸] كابوسك ا كتساب قوت ایچون درین برفخه سیدی . [۱۰ كانون ثانی سنه ۳۲۸] ده اونلریکی بر نشوه قهر ایله عودت ایتشدیلر .

آراق مملكتك مقدراتنه یالكز برتك قوش چیرپنه رق اوتیوردی : [باقوش] بن بو مشئوم صدایی دهاقوتله ۳۲۹ سنه سنده دویتمش و بو کون رحیم طوپراقلمزه تودیع وجود ایتمش بولنان بر آرقداشمه [بزى اولدیزه جكار ، باقوش بازیده دهکی قوله دن سسفی کوش عالمه اسماعه چالیشیور] دیمشدم .

أوت باقوش اوتدی . سسفی هر قبودن ایجری صوقدی ، و هر خانه دن کوز باشلری آقدی . او ایسه اجساد اوزرنده یارینارک ذوق جوشا جوشفی تأمینه چالیشیوردی . أوت بو منحوس کولکه هر یره کیردی . وجودده صحت ، ایلکارده قوت ، استقبالده انیت ، کیسه لرمزده نقود ، لیالمزده سرور ، نهارمزده شوق ، نسلمزده برکت ، قادینده عصمت ، رجالده حیثیت هیچ و هیچ بر شی بر اقامه چالیشدی . هپفی سوپورمک و کتورمک ایستبوردی . بزلی ایچون وارانی بر قهر ا کبر اولدی . وجودی جنسنه بوقدر مضر [برقوه بهیمیه] نك دنیا به هنوز کله دیکنی ادعا ایده حکم کلیور .

تاریخزه ماضیده کی هیئتلرک و ملتلك صورت انتقالی سویلیور . جهانده برقوتی یانجی وایکنجی برتوت آزه کلش اولدیغنی کوریورز . مثلاً امویلری برارانی محو ایتشدی . عباسیلر باشقه بر متعابك آتلی آلتنده وارلقلرینه خاتمه چکلدیلر . فقط بزى ینه کندی جنسمزدن ، نسلمزدن کلن چیزمهلی كابوس بوغازلادی . بز موجودیتزه سورولمک ایسته نیلن لکنك او كابوس منحوسه عائد اولدیغنی بوندن زواللی تورلك ذره قدر نصیبه سیئات و اشتراکی اولمادیغنی فخورانه سویلرز . هر تورك شو حقیقتی بنله برابر باغیره چقدر . تورك هر وجدانه ، هر کتابه ، هر معبد به هر مشعلیه حرمتکار قالمشدر . بز اون سنه لك حیاتی ، سکتهدار و فاصله دار اولمش (بر عهد تغلب) عد ایلرز . زهره آچیلمدی که اورالردن او [نطل صائل] جیقما مش

اولسون !! حتی بیچاره محمد رشادخان مرحومك تاجی آرقه سندن بیله ینه اونی ،
 اومکروه سسی وکولیکنی ایشیدیر وکوردیکزن . بو عهدك تاریخنده برکتییه شان
 وشرف کز نیمه جکدر ، اوت یازقلر اولسون که کوچوک و ذلیل آیاقلرله تاریخمزنك
 سینه سنده برقالبالق کوره جکسکزن : ساطیرلر و جلالدر !!

طیار رحی

قلعه سلطانیه لی :



دیوان حربك نظر دقتنه

محکمه تمیز رئیس حاجی اولیا افندی ایله امامیه مبعوث سابق عارف فاضل افندی
 جمعه کونی بر اول نهارده برده آخر نهارده اولق اوزره ایکی دفعه رشید بکک
 فرارایتدیکنی یارمق قیواو کنده یکدیگر لریله اوزون مدت قونوشورلرکن کورلمشلدردکه
 فردای جمعه ایرتسی کونی ده رشیدك فراری وقوعه کیشدر . بز بوملاقانی شایان دقت
 بولور و دیوان حربك نظر دقتنی جاب ایدرز .

شئونات عامیه

شیخ الاسلام لاحق ابراهیم افندی حضرتلریله شیخ الاسلام سابق موسی کاظم افندی
 و بابان زاده نعم و خارجییه نظارتی تمیزلردن فرید بکار ، دارالحکمه الاسلامیه اعضای
 فخریه لکنه انتخاب اولنه رق مضبوطه لرینک برای تصدیق مقام مشیخته تقدیم قلندینی
 استخبار ایدلمشدر .

کچن هفته سلیمانیه مدرسه سی داخلیه مدیریته تعیین اولدینی یازیلان فضالان
 دوزجه لی زاهد افندی مدیریت مذکورده قبول ایتمه مشدر . درس و کالتک شو
 تقدیر سزلکنه قارشى معارف اداره سنجه دارالش فقهه معاملکنه تعیین اولنمسی ،
 ارباب فضیلتی تقدیر ایدنلرده بولندینی کوسترمکده در .

درس و کیلی مصطفی عاصم افندیك مدرسه سلیمانیه ده کی طبقات القرا والمفسرین
 مدرسلکندن استعفا ایتدیکی خبر آلمشدر . بواسطه ، مأموریتله مدرسلکک جمع ایدیله-
 میه جکنه دأثر اخیر اویریلن قرار ایله علاقه دار اولسه کر کدر . مصطفی عاصم افندی بو
 صورتله دیگر لریته نمونه امثال اولق ایسته یورسده کیمسه نك پیرو اوله جغنی ظن ایتمیورز .